

長沙方歌括卷五

閩長樂陳念祖修園著

長男 蔚古愚擬註

次男元犀靈石參訂

孫男心典
心策全校字

陽明方

猪苓湯

治渴欲飲水小便不利脈浮發熱者主之

猪苓 一兩
茯苓 二兩
澤瀉 一兩
滑石 一兩
阿膠 一兩

右五味以水四升先煮四味取二升去滓內阿膠烱消溫服七合

日三服

歌澤膠猪苓滑相連咳嘔心煩渴不眠煮好去渣膠後入育陰利水法兼全

述此湯與五苓之用有天淵之別五苓散治太陽入本太陽司寒水故加桂以溫之是煖腎以行水也此湯治陽明少陰結熱二經兩關津液惟取滋陰以行水蓋傷寒表證最忌亡陽而裏熱又患亡陰亡陰者亡腎中之陰與胃之津液也若過於滲利則津液反致耗竭方中阿膠卽從利水中育陰是滋養無形以行有形也故仲景云汗多胃燥雖渴而裏無熱者不可與也

蜜煎導方

治陽明病自汗出若發汗小便自利者此爲津液內竭而大便雖鞭

不可攻之當須自欲大便宜蜜煎導而通之若土瓜根及與大猪

膽汁皆可爲導也

內臺方
原文

蜜七合

一味於銅器內微火煎之稍凝如飴狀攪之勿令焦著欲可丸併
手捻作挺令頭銳大如指長二寸許當熱時急作治則輒以內穀
道中以手急抱欲大便時乃去之

著字正韻直
略切點也

猪膽汁方

大猪膽一枚瀉汁和醋少許以灌穀道中如一食頃當大便出宿

食惡物甚效

原本無宿食一句近
本增之必有所據

歌日蜜煎熟後樣如飴溫納肛門法本奇更有醋調膽汁灌外通二

法審誰宜

蔚按津液內竭便雖鞭而不宜攻取蜜之甘潤導大腸之氣下行若熱結於下取猪爲水畜以制火膽爲甲木以制土引以苦酒之酸收先收而後放其力始大其宿食等有形之物一下而無形之熱亦蕩滌無餘矣

按內臺方云將蜜於銅器內微火煎之稍凝似飴狀攪之勿令焦滴水中心堅凝可用蘸皂角末捻作挺以猪膽汁或油潤穀道內之少頃欲大便乃去之又猪膽汁方以猪膽汁二枚以小竹管插入膽口留一截用油潤內入穀道中以手將膽捻之其汁自內出一食頃當大便下又用土瓜根削如指狀蘸猪膽汁內入穀道中亦

可用

茵陳蒿湯

治陽明病發熱汗出此爲熱越不能發黃也但頭汗出身無汗劑
頸而還小便不利渴欲飲水漿者此爲瘀熱在裏身必發黃此方
主之

又傷寒七八日身黃如橘子色小便不利腹微滿者此方主之

茵陳蒿 六兩

梔子 十四枚

大黃 二兩 去皮

右三味以水一斗先煮茵陳減六升內二味煎取三升去滓分溫

三服小便當利尿如皂角汁狀色正赤一宿腹減黃從小便去也

歌曰二兩大黃十四梔茵陳六兩早煎宜身黃尿短腹微滿解自前

陰法最奇

柯韻伯曰太陽陽明俱有發黃證但頭汗出而身無汗則熱不得

外越小便不利則熱不得下利故瘀熱在裏而發黃

按太陽之發黃乃太陽之

標陽下合太陰之濕氣陽明之發黃亦陽明之燥熱內合太陰之濕化若止病本氣不合太陰則不發黃故曰太陰者身當發黃若小便自利者不能發黃也張令韶之說最妙然裏有不同肌肉是太陽之裏當汗而發

之故用麻黃連軹赤小豆湯

按柯韻伯移此方於太陽篇亦有見解然原本係是陽明聖經必不可擅

改心胸是太陽之裏陽明之表當寒以勝之故用梔子蘗皮湯乃

清火法腸胃是陽明之裏當瀉之於內故立本方是逐穢法茵陳

稟北方之色經冬不凋傲霜凌雪偏受大寒之氣故能除熱邪留

結率梔子以通水源大黃以調胃實令一身內外瘀熱悉從小便

而出腹滿自減腸胃無傷乃合引而竭之之法此陽明利水之聖劑也又按仲景治陽明渴飲有三法太陽篇之五苓散微發汗以散水氣者不與焉若大渴煩躁小便自利者白虎湯加參清火而生津脈浮發熱小便不利者猪苓湯滋陰以利水若小便不利而發黃腹滿者茵陳湯以泄熱令黃從小便出病情治法胸有成竹矣竊思仲景利小便必用氣化之品通大便必用承氣之品以小便由於氣化也茲小便不利不用二苓者何本論云陽明病汗出多而渴者不可與猪苓湯以汗多胃中燥猪苓湯復利小便故也須知陽明汗出多而渴者不可用則汗不出而渴者津液先虛更不可用明矣此主以推陳致新之茵陳佐以屈曲下行之梔子不

用枳櫟以承氣與芒硝之峻利則大黃但能潤腸泄熱緩緩而行故必一宿而腹始減黃從小便去而不由大腸去仲景立法之奇匪繇所思耳

麻仁丸

治跌陽脈浮而濇浮則胃氣強濇則小便數浮濇相搏大便則難其脾爲約此方主之

麻仁二升芍藥半觔

枳實半觔

大黃

一觔厚

櫟

一觔去

杏仁一升去皮尖熬研作脂

右六味爲末煉蜜爲丸如梧桐子大飲服十丸漸加以知爲度

歌一升杏子二升麻枳芍半觔效可誇黃櫟一觔丸飲下緩通脾

約是專家

一本厚樸亦是一觔

男元犀按脾爲胃行其津液也今胃熱而津液枯脾無所行而爲窮約故取麻仁杏仁多脂之物以潤燥大黃芍藥苦泄之藥以破結根實厚樸順氣之藥以行滯以蜜爲丸者治在脾而取緩欲脾不下泄其津液而小便數已還津液於胃中而大便難已也

蔚按古今權量尺寸不同攷之內台方麻仁四兩杏仁六兩芍藥枳實各三兩厚樸三兩大黃八兩蜜丸如梧桐子大熟水下五九

梔子蘗皮湯

治傷寒身發黃發熱

梔子

十五枚

甘草

一兩

黃蘗

一兩

右三味以水四升煮取一升半去滓分温再服

歌裏鬱業經向外驅身黃發熱四言規身黃發熱之外無他證草須一兩二

黃蘗十五枚梔不去皮

麻黃連軹赤小豆湯

治傷寒瘀熱在裏身必發黃此湯主之

麻黃二兩去節連軹二兩赤小豆一升甘草二兩大棗十二枚

生梓白皮一升一本一斤內台三兩杏仁四十枚去皮尖生薑二兩

右八味以潦水一斗先煮麻黃再沸去上沫內諸藥煮取三升去

滓分温三服半日服盡

嘔黃病薑翹二兩麻一升赤豆梓皮誇棗須十二能通竅四十杏

仁二草嘉

蔚按梔子蘗皮湯治濕熱已發於外止有身黃發熱而無內瘀之證此治瘀熱在裏迫其濕氣外蒸而爲黃也麻黃能通洩陽氣於至陰之下以發之加連翹梓皮之苦寒以清火赤豆利水以導濕杏仁利肺氣而達諸藥之氣於皮毛薑棗調營衛以行諸藥之氣於肌腠甘草奠安太陰俾病氣合於太陰而爲黃者仍助太陰之氣使其外出下出而悉去也潦水者雨後水行洿地取其同氣相求地氣升而爲雨亦取其從下而上之義也

少陽方

小柴胡湯方

本論無方此方列於太陽篇中今補其方名

論以口苦咽乾目眩爲提綱言少陽之上相火主之少陽爲甲木諸風掉眩皆屬於木主風主火言少陽之氣化也

論云少陽中風兩耳無所聞目赤胸中滿而煩不可吐下吐下則悸而恐此言少陽自受之風邪也

論云脈弦細頭痛發熱者屬少陽少陽不可發汗發汗則譫語此屬胃胃和則愈胃不和則煩而悸此言少陽自受之寒邪也

論云本太陽病不解轉屬少陽脇下痞鞭乾嘔不能食寒熱往來尙未吐下脈沉緊者與小柴胡湯此邪從太陽轉屬仍達太陽之氣從樞以外出也

論云若已吐下發汗溫鍼譫語柴胡證罷此爲壞病知犯何逆以

法治之此言當審汗吐下溫鍼四者之逆而救之也

少陽未列專方當於太陽陽明篇求之

太陰方

論云太陰之爲病腹滿而吐食不下自利益甚時腹自痛若下之必心下結鞭此總論太陰氣之爲病也

論又云太陰病脈浮可發汗宜桂枝湯

論云自利不渴者屬太陰也其臟有寒故也當溫之宜四逆輩此二節言太陰病在外者宜桂枝以解肌在內者不渴無中見之燥化屬本臟有寒宜四逆輩曰輩者理中湯丸等溫劑俱在其中也論云傷寒脈浮而緩手足自溫者繫在太陰太陰當發身黃若小

便自利者不能發黃至七八日雖暴煩下利日十餘行必自止以脾家實腐穢當去故也此言太陰寒證外亦有熱證也經云太陰之上濕氣主之中見陽明若不得中見之化則爲臍寒之病若中見太過濕熱和併又爲發黃之證小便自利者不發黃至七八日驟得陽熱之化故暴煩陰濕在內故下利然下利雖甚亦當自止所以然者以太陰中見熱化脾家實倉廩之腐穢當自去也

論云本太陽病醫反下之因以腹滿時痛者屬太陰也桂枝加芍藥湯主之太實痛桂枝加大黃主之此言誤下轉屬之證也又云太陰爲病脈弱其人續自便設當行大黃芍藥者宜減之以其人胃弱易動故也此承上節脾家實宜芍藥大黃以行腐穢而脈弱

者大便陸續而利出宜減芍藥六黃以存胃氣甚矣傷寒之治首重在胃氣也

桂枝加芍藥湯

治太陽病反下之因而腹滿時痛者

桂枝三兩芍藥六兩甘草二兩生薑三兩大棗十二枚

右五味以水七升煮取三升去滓分溫三服

桂枝加大黃湯

治太陽病反下之因而大實痛者

卽前方加大黃二兩

桂枝倍芍轉輸脾洩滿升邪止痛宜大實痛因反下譏黃加二

兩下無疑

述桂枝加芍藥湯倍用芍藥之苦降能令桂枝深入於至陰之分
舉誤陷之邪而腹痛自止桂枝加大黃者以桂薑升邪倍芍藥引
入太陰鼓其陷邪加大黃運其中樞通地道去實滿棗草助轉輸
使其邪悉從外解下行各不相背

少陰方

論云少陰之爲病脈微細但欲寐也此以少陰標本水火陰陽之
氣見於脈證者爲提綱也內經云少陰之上君火主之又云陰中
之陰腎也少陰本熱而標寒上火而下水神之變精之處也論中
言少陰自得之病或得太陽之標或得君火之化或得水陰之氣